

Ե. Ս. Մանուկյան

ԱՌՆՈՒՂ ԹՈՅՆԲԻԻ ԼՈՎԱԼ ՔԱՂԱՔԱԿՐԹՈՒԹՅՈՒՆՆԵՐԻ ԿՈՆՑԵՊՏԱՅԻ ՄԱՍԻՆ

Պայքարը ռեակցիոն բուրժուական փրկիսոփայության դեմ մարքսիստական հասարակագիտության կարևորագույն խնդիրներից է։ ՍՄԿՊ XXII արտահերթ համագումարը նորից ամբողջ սրությամբ ընդգծեց բուրժուական կոնցեպցիաների հետևողական մերկացման անհրաժեշտությունն ու խոշոր նշանակությունը, կոնցեպցիաներ, որոնք աղավաղում են հասարակական զարգացման բնույթը։

Այդ կապակցությամբ խիստ ուշադրության են արժանի ոչ այնքան բուրժուական պրոպագանդայի ամբողջությամբ կեղծ և աղմկարար ելույթները, որքան մեռնող կապիտալիզմի ապոլոյետների աթև թեորիաները, որոնք կապիտալիզմի գովերգությունը հրամցնում են «օբյեկտիվիզմի» ավանդական դիմակի տակ։ Մեր օրերում այդպիսի թեորիաների օրինակ է համդիսանում Թոյնբիի հայտնի պատմա-փրկիսոփայական կոնցեպցիան։

Ահա արդեն ավելի քան 10 տարի է, ինչ Արևմուտքում աշխույժ բանավեճ է գնում անգլիացի պատմաբան և սոցիոլոգ Առնոլդ Թոյնբիի հիմնական աշխատության՝ 10 հատորանոց «Պատմության հետազոտություն» («A Study of history») գրքի շուրջը։

Եթե 40-ական թվականների սկզբներին Թոյնբին միայն մասնագետների նեղ շրջանին էր հայտնի, ապա համաշխարհային երկրորդ պատերազմից հետո նրա անունը լայն ճանաչում գտավ։ Մեր օրերում Թոյնբին նույնքան, եթե ոչ ավելի, գրական հաջողություն է ձեռք բերել, որքան որ ուներ Օսվալդ Շպենգլերը 20-ական թվականներին՝ իր «Եվրոպայի մայրամուտը» աշխատությունը։ Իրապարկելուց հետո Սկզբից նշենք, որ Թոյնբիի և Շպենգլերի միջև անցկացրած այդ զուգահեռը խորապես հիմնավորված է։

Թոյնբիի և Շպենգլերի աշխատությունները համանման են ոչ միայն իրենց հոռետեսական բնույթով, այլև իրենց հիմնական տեսական-զաղտփարական բովանդակությամբ։ Ինքը՝ Թոյնբին ամենևին էլ չի ժխտում իր տեսական մոտիկությունը Շպենգլերին, նա միայն առարկում է այն ծայրահեղ եզրակացությունների դեմ, որ անում էր Շպենգլերն իր տեսությունից, ինչպես նաև առարկում է նրա ապացուցման որոշ մեթոդների դեմ։

Շպենգլերն իր դրքում, ինչպես հայտնի է, հետևողական կերպով հանդես էր գալիս պատմության տրադիցիոն պերիոդիզացիայի դեմ, մշակված պատմագիտական հասկացությունների՝ համաշխարհային պատմության միասնության և համաշխարհային-պատմական զարգացման հասկացությունների դեմ։ Շպենգլերի ամբողջ գրքի միջով կարմիր թելի պես անցնում է այն հիմնական դադափարը, թե համաշխարհային պատմությունը սոսկ զուգահեռ, լուկալ

¹ Տե՛ս, օրինակ՝ A. Toynbee, Civilization on Trail, N. Y., 1948, p. 10.

կուլտուրաների մի գումար է, կուլտուրաներ, որոնք, ինչպես բիոլոգիական օրգանիզմները, ծնվում են, ծաղկում ու ոչնչանում: Իրենց բովանդակությամբ անհատականորեն-անկրկնելի հանդիսացող այդ կուլտուրաներին միավորում է միայն նրանց գոյության խիստ սահմանագծված պարբերաշրջանը:

Մինչև այժմ պահպանված կուլտուրաների, այն է՝ շինական, հնդկական, արաբական և այլ կուլտուրաների շարքում միայն արևմտաեվրոպական կուլտուրան է, որը, Շպենգլերի կարծիքով, դեռևս պահպանել է իր ստեղծագործական ուժերը, բայց որը նույնպես արդեն թևակոխել է իր մայրամուտի ստադիան:

Շատ համառոտ կերպով այս է Շպենգլերի պատմա-փիլիսոփայական կոնցեպցիայի բովանդակությունը, որ նա ստեղծել էր առաջին համաշխարհային պատերազմի տարիներին:

Քաջելով Առնոլդ Թոյնբեի «Պատմության հետազոտություն» աշխատության 1-ին հատորը, որը նույնպես սկսվում է պատմության վերաբերյալ եղած «տրագիցիոն պատկերացումների» քննադատությամբ և տվյալ աշխատության հիմնական հասկացությունների սահմանումով, մենք անմիջապես տեսնում ենք այն սկզբունքային նմանությունը, որ կա նրա և Շպենգլերի միջև, հիմնական հարցերի արծարծման ու լուծման ասպարեզում:

«Քաղաքակրթության միասնության թեզիսը խոր մոլորություն է, որի մեջ ընկել են արևմտյան պատմաբանները սոցիալական շրջապատի միջավայրի ազդեցության տակ»,— հայտարարում է Թոյնբեին, հանդես գալով «պատմության միասնությունը» պաշտպանող երեք տեսությունների, այն է՝ 1) էգոցենտրիկ պատրանքի, 2) շփոփոխվող Արևելքի մասին եղած պատրանքի և 3) ուղիղ, վերլուծաբանական գծով տեղի ունեցող պրոգրեսի պատրանքի դեմ:

Թոյնբեի կարծիքով, միանգամայն սնանկ է նաև պատմական պրոցեսի եռանդամ պերիոդիզացիան: «Հին աշխարհ + միջին դարեր + նոր ժամանակ» ֆորմուլան,— մատնանշում է նա,— սխալ է, այն սխալ է փոխարինել մի այլ՝ «հոմա-հոմեական աշխարհ + արևմտյան աշխարհ» ֆորմուլայով:

Համաշխարհային-պատմական պրոցեսի նկատմամբ Թոյնբեի ունեցած այդ տեսակետը նրան, ինչպես և Շպենգլերին, անխուսափելիորեն հանգեցնում է լոկալ քաղաքակրթությունների «միաժամանակության» ու «համարժեքության» թեզիսին: Այդ կոնցեպցիան նա հետևյալ կերպ է հիմնավորում՝ «Այն, ինչ մենք պատմություն ենք անվանում, քաղաքակրթ. հասարակության մեջ ապրող մարդու պատմությունն է, բայց լինելով պատմություն ասելով հասկացվում է մարդու կյանքի ամբողջ ժամանակաշրջանը երկրաճնդի վրա, ապա մենք գտնում ենք, որ դրա համեմատությամբ քաղաքակրթության դարաշրջանն ընդամենը 2 % է զբաղում: Ուստի մենք կարող ենք պնդել, որ մեր 21 քաղաքակրթությունները փիլիսոփայական իմաստով զերադասորեն ժամանակակից և համարժեք են»², Ի տարբերություն Շպենգլերի, որը 8 բարձրագույն կուլտուրա է ընդունում, Թոյնբեին քաղաքակրթությունների թիվը հասցնում է 26-ի, որոնցից 5-ը (պոլինեզիական, էսկիմոսական, նոմադական, օտտոմանյան և Սպարտայի) նա առանձնացնում է տրպես իրենց զարգացման մեջ կանգ առած (arrested) քաղաքակրթությունների:

² A. Toynbee, A study of history, Abridg. of vol. I—VI, p. 37.

³ Նույն տեղում, էջ 431:

Մարդկության պատմության վերլուծման նկատմամբ Շպենգլերի և Թոյնբիի մոտեցման հիմնական սկզբունքների ընդհանրությունը մեզ, իհարկե, դեռևս հիմք չի տալիս ամբողջապես նույնացնելու նրանց կոնցեպցիաները: Թոյնբիի պատմա-փիլիսոփայական տեսությունը նախ և առաջ ստեղծվել է երկու սիստեմների գոյության ու պայքարի պայմաններում, որը չէր կարող իր խոր դրոշմը չթողնել նրա վրա: Ամբողջապես ընդունելով այժմ գոյություն ունեցող բոլոր քաղաքակրթությունների, բացառյալ արևմտավրոպական քաղաքակրթության, ստեղծագործական մահացման շպենգլերյան թեզիսը, նա միևնույն ժամանակ փորձում է Արևմուտքի պատմական ճակատագիրը որոշելիս խուսափել շպենգլերյան ֆատալիզմի ծայրահեղություններից, ընդ որում նա Արևմուտքը նույնացնում է կապիտալիզմի հետ:

Այսպես, իր քննադատներից մեկին, հուլանդացի սուբյեկտիվիստ պատմաբան Գեյլին տված իր պատասխանում նա ասում է. «Ես չեմ հավատում, թե պատմությունը կարելի է օգտագործել ապագան գուշակելու համար: Ես կարծում եմ, որ պատմաբանը կարող է նշել միայն զարգացման որոշ հնարավորություններ կամ նույնիսկ հավանականություններ, բայց ոչ երբեք կոնկրետ ընթացքը:

Շպենգլերյան դոգմատիկ դետերմինիզմի տխուր փորձից խրատված, ես իմ կողմից միշտ էլ զգույշ կլինեմ մեր քաղաքակրթության ապագան գնահատելիս, որպես առկախ հարց, ոչ այն պատճառով, որ ես վախենում եմ պախարակումից, այլ լուրջ աչք պատճառով, որ ես նույնպես խորապես, որքան և դուք, Գեյլ, հավատացած եմ, դա առկախ հարց է»⁴:

Այնուհետև պետք է նշել Թոյնբիի ու Շպենգլերի կոնցեպցիաների մի ուրիշ տարբերություն: Լսելով Շպենգլերի մոտ տեսական դրույթները մեծ մասամբ ղեկարարտիվ են, ապա Թոյնբին փորձում է դրանք հիմնավորել պատմական առատ փաստարկումներով: Նա, մեծ էրուդիցիայի տեր լինելով, իր աշխատության մեջ հսկայական պատմական նյութ է օգտագործում, փորձելով հաստատել իր յուրաքանչյուր տեսական դրույթը: Այդ հանգամանքը չի կարող անտեղյակ ընթերցողների մեջ այնպիսի տպավորություն չառաջացնել, թե նրա պատմա-փիլիսոփայական դրույթներն իբր թե օբյեկտիվ և կոնստրուկտիվ են:

Բացի դրանից, նրա կոնցեպցիան պրոգրեսիվ տրամադրված բուրժուական շատ ընթերցողների գրավում է նաև նրանով, որ նա խիստ կերպով հանդես է գալիս ռասիզմի դեմ, ինչպես և հասարակական երևույթների բիոլոգիական մեկնաբանման դեմ: Այս առիթով Թոյնբին շատ ավելի լուրջ ու վտանգավոր հակառակորդ է դարձնում մեզ համար, քան, ասեմք, Շպենգլերն էր, կամ թե խիստ ռեակցիոն դիրքերում կանգնած բուրժուական շատ ուրիշ տեսաբաններ: Ուստի և մեր օրերի գաղափարական պայքարի սլոյմաններում Թոյնբիի կոնցեպցիայի հետևողական մարքսիստական քննադատական վերլուծությունը առաջնահերթ կարևորություն է ներկայացնում:

Մարքսիստական գրականության մեջ, մասնավորապես մեզ մոտ՝ Սովետական Միությունում արդեն լույս են տեսել Թոյնբիի պատմա-փիլիսոփայության, ընդհանուր գնահատականին նվիրված մի շարք հոդվածներ, որոնցում

⁴ The pattern of the past: can we determine it? by P. Geyl, A. Toynbee and P. Sorokin, N. Y., L., 1949, p. 130.

ընդհանրապես ցույց են տրված նրա կոնցեպցիայի դիտական սնանկությունն ու ռեակցիոն բնույթը⁵:

Թոյնբիի կոնցեպցիայի հիմնական տեսական հասկացությունը լուրջ անհատական-անկրկնելի քաղաքակրթության հասկացությունն է: Եվ հենց տվյալ հասկացության և նրա համար որպես հիմք ծառայած հետազոտության իդեալիստական մեթոդների մանրամասն վերլուծությունը պետք է մեկնակետ հանդիսանա Թոյնբիի պատմական սիստեմի քննադատության հարցում, և այդպիսի վերլուծությունը մեզ կօգնի ոչ միայն նրա տեսության դեմ, այլև արդի բուրժուական մոլուս առավել ազդեցիկ պատմական կոնցեպցիաների դեմ մղվող պայքարում:

Թոյնբիի կոնցեպցիայում հետևողական կերպով ժխտվում է համաշխարհային-պատմական առաջընթաց զարգացման գաղափարը, որը XIX դարի բուրժուական պատմագրության հիմնական գաղափարն էր, շնայած նրա բոլոր թերություններին: Բսկ ինչպես, ինչի՞ հետևանքով կարող էր երևան գալ ժամանակակից գիտության եզրակացություններին հակասող այդպիսի մի կոնցեպցիա և ինչու՞ նա այդքան մեծ ազդեցություն ունի Արևմուտքում: Խնքնդատիքյան հասկանալի է, որ տվյալ տեսության հեղինակներն ամեն կերպ ճշգրտում են ապացույցել, թե արդի պատմական գիտության նվաճումներն ամենալրիվ կերպով արտահայտված են այդ տեսության մեջ, ճշգրտում են հավատացնել ընթերցողներին, թե իրենց տեսակետը լիովին համապատասխանում է գիտության հիմնական հետևություններին:

Հատկապես XIX դարի երկրորդ կեսում տեղի ունեցած պատմական գիտելիքների բուռն աճը անշուշտ որոշ դեր է խաղացել բուրժուական նորագույն պատմա-փիլիսոփայական կոնցեպցիաների հանդես գալու հարցում, բայց ինչպես և ի՞նչ չափով, ահա այս է հարցը:

Պատմական գիտության նորագույն նվաճումներն անառարկելի կերպով ապացուցեցին այն փաստը, որ արևելյան ժողովուրդները մեծ դեր են խաղացել մարդկության ընդհանուր զարգացման մեջ: Այդ ամենը չէր կարող չհանգեցնել բուրժուական տրադիցիոն եվրոպացենտրիզմի ճգնաժամին: Այլևս ոչ մի կերպ չի կարելի թաքցնել այն բացահայտ ճշմարտությունը, որ Արևմտյան եվրոպայի պատմությունը, Հնդկաստանի, Չինաստանի, Արաբական Արևելքի և այլ երկրների պատմության հետ միասին, համաշխարհային-պատմական պրոցեսի ճյուղավորումներից մեկն է միայն, եվ ահա այդ փաստը խիստ ազավաղված ձևով հիմք է ծառայել XX դարի բուրժուական շատ պատմա-փիլիսոփայական կոնցեպցիաների համար:

Միայն մարքսիզմը, դիմելով լինելով դիալեկտիկական-մատերիալիստական մեթոդողորհյով, կարողացավ պատմական գիտելիքների հաջողություններն օգտագործել հասարակական զարգացման իսկական դիտական կոնցեպցիա ստեղծելու համար: Իսկ բուրժուական գիտության մեջ համաշխարհ-

⁵ Տե՛ս Ե. Կոստինսկու «Ա. Թոյնբիի պատմափիլիսոփայությունը» («Вопросы истории», № 1, 1957), է. Արար-օղլու «Ա. Թոյնբիի պատմա-փիլիսոփայությունը» («Вопросы философии», № 4, 1955) և «Ա. Թոյնբիի կուլտուր-պատմական կոնցեպցիայի քննադատությունը» («Вестник истории мировой культуры», № 4, 1957) հոդվածները, ինչպես նաև մեր «Հասարակական շրջապատի կոնցեպցիան պատմա-փիլիսոփայության մեջ» «Կուլտուր-պատմական իմացության մեջ համեմատական մեթոդի նշանակության մասին» հոդվածները («Вестник истории мировой культуры», № 24, 1957):

հաջին-պատմական պրոցեսի մասին եղած հին պատկերացումների հեղափոխումը, եթե նկատի ունենանք նաև նրա առաջիկ ունեցիկները ներկայացուցիչների դասակարգային դիրքերը, շատ հաճախ այն հետևանքն էր ունենում, որ նրանք ամբողջապես հրաժարվում էին հասարակական զարգացման գաղափարից:

Իմպերիալիզմի ստադիայում կապիտալիստական հասարակության ճգնաժամը, ինչպես հայտնի է, զգալի կերպով փոփոխեց բուրժուազիայի սոցիալական հոգեբանությունը: Նախկին մակերեսային լավատեսությանը փոխարինեցին խոր հոգևորականությունն ու սկեպտիցիզմը, որոնք իրենց հերթին որոշեցին այդ ժամանակաշրջանի բազմաթիվ պատմական հետազոտությունների ինչպես մեթոդները, այնպես էլ արդյունքները: Ահա հենց այդ ժամանակ էլ վերածնվեց հասարակական շրջապատչության հինավուրց կոնցեպցիան, որը և վառ կերպով արտահայտվեց մասնավորապես Շպենգլերի, իսկ մեր օրերում՝ Թոյնբիի պատմա-փիլիսոփայության մեջ:

Այդ կոնցեպցիաները XX դարի բուրժուական պատմագիտական մտքի խոր ճգնաժամի ամենաալիստիկ ցուցադրումն են: Այդ ճգնաժամը չի կարելի շփոթել այն մեթոդոլոգիական ճգնաժամերի հետ, որոնք նոր հայտնագործությունների հետևանքով պարբերաբար տեղի են ունենում գիտության ամեն մի բնագավառում և որոնք շատ հաճախ նրա հետագա զարգացման ու կատարելագործման աղդակն են դառնում: Մեր ժամանակների բուրժուական պատմագրության այդ ճգնաժամն ամենևին էլ ժամանակավոր երևույթ չէ. այլ, լինելով բուն իսկ կապիտալիստական սխտեմի ճգնաժամի գաղափարական արտացոլումը, գնալով ավելի ու ավելի է խորանում և ավելի ունեցիկ դժբեր է ընդունում, չնայած որ բուրժուական տեսաբանները հաճախ ճգնում են այն որպես դիտության վերջին խոսք հրամբներ:

Արդի բուրժուական գաղափարախոսությունն ամբողջ վտանգն այն է, որ նրա ներկայացուցիչներն իրենց դասակարգային նպատակների համար իսկապես օգտագործում են դիտություն, նորագույն նվաճումները և շատ հաճախ էլ հմտորեն շարաշահում են դրանք: Դրա վառ ասպարեզը հենց այն է, որ Շպենգլերի կամ Թոյնբիի տեսակալ գրություններում մեծ դեր է խաղում պատմական գիտության կարևորագույն սկզբունքներից մեկը՝ պատմական դուգահեռության սկզբունքը: Արտաքուստ ամեն ինչ ընդունելի և շատ գրավիչ է:

Չէ՞ որ մարդկության պատմության բոլոր հիմնական կուլտուրաներն իրենց նշանակությունը հավասարեցվում են և վրոպականին. նրան համարժեք են հռչակվում: Բայց բավական է այդ թեզի մի փոքր ավելի ուշադիր վերլուծությունը, որպեսզի միանգամայն պարզ դառնան նրա պիտակած սնանկությունը և ունեցիկ սոցիալական նպատակադրումը: Չէ՞ որ հենց այդ թեզի օգնությամբ են Շպենգլերն ու Թոյնբին հետևողական կերպով համոզեցվում, որ համաշխարհային-պատմական առաջընթացը դարգացման գաղափարի դեմ: Հիմնականն այստեղ այն է, թե ինչպիսի համապատասխան չափանիշ է վերցվում այս կամ այն պատմական պրոցեսներն ու երևույթները որպես իրար դուգահեռ ու հավասարաբեկ երևույթներ առանձնացնելու համար: Սակայն թե՛ Շպենգլերը և թե՛ Թոյնբին այս առնչությամբ այնքան ընդհանուր և ձևական չափանիշ են առաջ քաշում, որ բոլորովին անտեսվում է որակապես տարբեր դարաշրջանների սպեցիֆիկումը: Նրանք կուլտուրաների, քաղաքակրթությունների դուգահեռության չափանիշ են համարում հասարակության դուրս գալը իր «պրիմիտիվ» կամ, այլ կերպ ասած, նախնադարյան-համայնական վիճակից:

Այսպիսով նրանք հավասարությանն ուղան են դնում արդի կապիտալիզմի և անտիկ ստրկության միջև:

Սա Շպենգլերի, Թոյնբիի ֆորմալ մեթոդի միայն մի կողմն է: Հիմք ընդունելով կոլտուրայի դրսևորման առանձնահատկությունը տարբեր ժողովուրդների մոտ, նրանք ամբողջապես իրար են հակադրում զարգացման խսկապես համասեռ, զուգահեռ պրոցեսները, տարբեր իրկրների ստրկատիրական, ֆեոդալական, կապիտալիստական և, վերջապես, սոցիալիստական հարաբերությունները:

Նրանց տեսությունների խիստ պակասավորությունը մի ավելորդ անգամ համոզում է, որ համաշխարհային պատմության որևէ տեսական հարց անհնարին է գիտականորեն լուծել, առանց դիմելու հասարակական-տնտեսական ֆորմացիաների վերաբերյալ մարքս-լենինյան գիտությանը, արտադրական հարաբերությունների հասկացությանը:

Հասարակական բոլոր հարաբերություններից առանձնացնելով արտադրական հարաբերությունները, որպես հասարակական զարգացման մեջ հիմնականը և որոշիչը, Մարքսը դրանով իսկ գիտական բանալի է տվել մարդկության զարգացման ընթացքը ճիշտ հասկանալու համար, ինչպես նաև հսկայական հնարավորություններ է բացել պատմագիտական հետազոտությունների համար: Մարքսիստական պատմագիտական կոնցեպցիայում արտադրական հարաբերությունները երկմիասնական դեր են խաղում, հանդես գալով մի կողմից՝ որպես միատիպ պրոցեսների կրկնելիության ընդհանուր գիտական չափանիշ, իսկ մյուս կողմից էլ՝ որպես պատմական հաջորդական զարգացման, մեկը մյուսին հաջորդող դարաշրջանների որակական տարբերակման չափանիշ: Եթե իրենց առաջին դերում նրանք կոչված են գիտականորեն ապացուցելու պատմական պրոցեսի ընդհանրականությունը ու միասնությունը և դրանով իսկ հանդես են գալիս որպես պատմական զուգահեռության չափանիշ, ապա երկրորդ դեպքում նրանք անհերքելիորեն արձանագրում են համաշխարհային-պատմական զարգացման փաստը, նրա առաջնությանը բնույթը:

Այսպես տրեմն, արդի բուրժուական պատմական կոնցեպցիաների հիմնական տեսական սխալներից մեկն այն է, որ դրանցում նույնացվում են տարբեր հասարակությունները, դրանք հայտարարվում են համարժեք ու հավասարարժեք՝ նկատի առնելով դրանց միայն զուտ ձևական հատկանիշները: Նրանք մյուս արմատական սխալն այն է, որ պատմական առանձին կազմավորումները նույնքան ֆորմալ կերպով հակադրվում են իրար, այնպես որ տարբեր հասարակությունների, ասենք՝ Արևմտյան եվրոպայի, Չինաստանի պատմությունը համարվում է միանգամայն անկրկնելի, յուրաքանչյուրը մի առանձին պրոցես, որը սոսկ իր կենսական ցիկլն է կրկնում բիոլոգիական օրգանիզմների նման: Ահա այդ երկու հիմնական սխալներով են բնորոշվում Շպենգլերի ու Թոյնբիի ուսմունքները լուրջ կոլտուրաների, քաղաքակրթությունների մասին:

Թոյնբիի ուսմունքը հաճախ համարում են պատմա-մատերիալիստական տեսության հերքում: Բուրժուական շատ տեսաբաններ փորձում են իրենց ընթերցողներին ներշնչել այն միտքը, թե լուրջ քաղաքակրթությունների ուսմունքը իբր թե հերքում է հասարակական-տնտեսական ֆորմացիայի հասկացությունը: Այդպես կարող են կարծել միայն նրանք, ովքեր կամ գիտակցաբար ճգնում են կեղծել պատմա-մատերիալիստական կոնցեպցիան, կամ բնավ չեն հասկանում այն:

Համամարդկային քաղաքակրթութեան հետ մեկտեղ անշուշտ գոյութիւն ունեն նաև առանձին կուլտուրաներ, և անհեթեթութիւն կլիներ կասկածել այդ բանում: Սակայն ամբողջ հարցն այն է, թե ինչպե՞ս ըմբռնել այդ հասկացութիւնները, ինչպիսի՞ բովանդակութիւն դնել նրանց մեջ: Եթե ելնենք օբյեկտիվ իրականութիւնից, ապա դրանով կարելի է նշել որոշ, ուրույն ձևեր ունեցող այն կուլտուր-պատմական սիստեմները, որոնք դոյացել են զարգացման տերիտորիալ, տնտեսական, հոգևոր ընդհանրութեան հետեանքով: Հենց այդ իմաստով էլ կարելի է խոսել հին եգիպտական, անտիկ, չինական, արեւմտաեվրոպական, արաբական և այլ քաղաքակրթութիւնների մասին:

Կուլտուր-պատմական սիստեմներն արտահայտող հասկացութիւնները հասարակական ֆորմացիայի հասկացութեանը հակադրելը, ինչպես այդ անում են Արեւմտեքում, անհեթեթ ու անօրինալի է թեկուզ զուտ տրամաբանական տեսակետից: Բանն այն է, որ ֆորմացիայի հասկացութիւնն ընդհանուր բնույթի հակասութիւն է: Հենց դրա շնորհիվ էլ այդ հակասութիւնը մեզ հնարավորութիւն է տալիս ըմբռնելու հասարակական-արտադրական պրոցեսի տարբեր ստադիաները և նրանցով որոշվող կուլտուրայի տիպերը, անկախ այն բանից, թե մենք Չինաստանի պատմութեան հետ գործ ունենք, թե անտիկ աշխարհի, Արեւմտյան եվրոպայի պատմութեան հետ և այլն:

Հասարակական-տնտեսական ֆորմացիայի հասկացութիւնը բացահայտում է ամենատարբեր ժողովուրդների պատմութեան միասնական բովանդակութիւնը և դրանով իսկ հնարավորութիւն է տալիս հետազոտութեան ժամանակ նրանց զարգացման համապատասխան փուլերը դնել մի ընդհանուր, զուգահեռ շարքի մեջ: Իսկ լոկալ քաղաքակրթութեան հասկացութիւնը բուն պատմական հասկացութիւն է, որով նշվում է պատմութեան ընդհանուր օրինալի պրոցեսների միայն սպեցիֆիկ, յուրահատուկ արտահայտութեանը: Մատերիալիստական ճիշտ մեկնարանման դեպքում բացարձակ կերպով իրարից չեն անջատվի ժողովուրդների պատմութիւնները, ինչպես այդ կատարվում է Շպենգլերի կամ Թոյնրի մոտ, որոնք նկատում են պատմական երևույթների արտաքին կողմը և չեն կարողանում տեսնել նրանց ներքին միասնական հիմքը: Այնուհետև, կոնկրետ պատմական կուլտուրայի կամ քաղաքակրթութեան հասկացութիւնը դեռևս ցույց չի տալիս հասարակական հարաբերութիւնների տիպը: Ճիշտ է, երբ մենք խոսում ենք, օրինակ, անտիկ կուլտուրայի կամ Առաջավոր Ասիայի հին քաղաքակրթութիւնների մասին, մենք դրանք դիտում ենք որպես որոշակի ստրկատիրական հասարակական-տնտեսական ֆորմացիայի տարբեր դրսևորումներ: Բայց բավական է հիշատակել չինական կամ արեւմտաեվրոպական քաղաքակրթութեան մասին, որպեսզի տեսնենք հրաժեշտութիւն զգացվի հետագա պարզաբանումներ կամ սահմանումներ տալու: Ընդգծելով չին կամ եվրոպական ժողովուրդների կուլտուրական տրագիկաների որոշակի միասնութիւնը, «քաղաքակրթութեան» հասկացութիւնը, այդ տերմինի տվյալ իմաստով, դեռևս ցույց չի տալիս, թե ինչ էտապներ են նրանք անցել իրենց զարգացման մեջ: Այսպիսով, կոնկրետ պատմական քաղաքականութեան հասկացութիւնը միշտ չէ, որ սահմանափակվում է այս կամ այն արտադրանականակով, և այդ իսկ պատճառով հատուկ կենտրոնացում է պահանջում: Դրա ուղիղ հակառակն են ուղում ապացուցել բուրժուական տեսաբանները, որոնք, ելնելով իրենց դասակարգային սխեմայից, փորձում են բանն այնպես պատկերել, թե իբրև բուրժուական հասարակութեան կործանումը

եվրոպական և այժմ գոյություն ունեցող մյուս քաղաքակրթությունների կործանում կնշանակեր:

Ոչ մի բան այնպես համոզիչ կերպով չի ապացուցում նրանց դրույթների տեսական սնանկությունը, որքան ինքը՝ պատմությունը:

Շպենգլերի կամ Ռոյնրիի բուրժուական-հոռետեսական տեսություններն ամենից առաջ արտացոլում են դրանց հեղինակների ձգտումը՝ կապիտալիստական սիստեմի ճգնաժամը նույնացնելու եվրոպական կուլտուրայի և, դեռավելին, ամբողջ մարդկային քաղաքակրթության հետ: Դա իր տեսական արուահայտությունը գտնում է այն բանում, որ նրանք հրաժարվում են կուլտուրայի, քաղաքակրթության ընդհանուր, տիպոլոգիական հասկացություններն օգտագործելուց, դրանք ամբողջապես փոխարինելով միայն կոնկրետ պատմական հասկացություններով: Ոչ մի տարակույս չի կարող լինել տվյալ տեսակետի ունակցիոն բնույթի ու դիտական սնանկության հարցում: Միանգամայն անհեթեթ բան է, երբ կուլտուրայի լոկալ կոնկրետ պատմական սիստեմները շփոթում են ամենատարբեր ժողովուրդների համար ընդհանուր կուլտուրայի տիպերի հետ: Այն փաստը, որ կապիտալիզմը և նրա քաղաքակրթությունը ծագել ու պատմականորեն առավել լրիվ կերպով զարգացել են իերևմտյան եվրոպայում, մեզ հիմք չի տալիս այն մեկուսացնելու երկրագնդի տվյալ աշխարհագրական վայրի շրջաններում: Ճիշտ նույնպես՝ այն փաստը, որ սոցիալիզմը, սկզբում հաղթանակել է Ռուսաստանում, չի կարող փաստարկ ծառայել սոցիալիզմը իբրև թե՛ զուտ ուսական երևույթ հայտարարելու համար:

Կապիտալիստական քաղաքակրթության ճգնաժամը իսկապես միջազգային երևույթ է, բայց, հակառակ այն բանի, ինչ ձգնում էին և ձգնում են պնդել բուրժուական տեսաբանները, նա ընդհանուր առմամբ մարդկության սոցիալական կազմակերպության ճգնաժամը չէ: Նրան օրինաչափորեն փոխարինելու է զալիս սոցիալական կազմակերպության նոր ստրուկտուրան՝ նոր, պրոգրեսիվ սոցիալական քաղաքականությունը: Ահա այս է մարդկության արդի պատմական զարգացման հիմնական տենդենցը: